

স্কুল অ্যাকোলেড 'স
শ্রেণি : ৫ ম
বিষয় : বাংলা
২য় সাময়িক পরীক্ষার ওয়ার্কশীট
৩য় সপ্তাহ (১৬ জুন থেকে ২১ জুন)

“ কাঞ্চনমালা আর কাঁকনমালা ”

৩ প্রশ্নগুলোর উত্তর পড়ি ও লিখি :

ক. রাজপুত্র কোথায় বসে রাখালবন্ধুর বাঁশি শুনত ?

উত্তর : রাজপুত্র গাছতলায় বসে রাখালবন্ধুর বাঁশি শুনত ।

খ. রাজপুত্র রাখালবন্ধুর কথা ভুলে যায় কেন ?

উত্তর : রাজপুত্র একদিন রাজা হয়। লোকলঙ্কার , সৈন্যসামন্তে গমগম করে তার রাজপুরী । রাজপুরী আলো করে থাকেন রানি কাঞ্চনমালা । চারদিকে তার সুখের সীমা নেই । এত সুখের মধ্যে থেকে রাজপুত্র রাখালবন্ধুর কথা ভুলে যায়।

গ. রাজা কেন মনে করলেন প্রতিজ্ঞা ভঙ্গের কারণেই তাঁর এই দশা ?

উত্তর : রাজা তার রাখালবন্ধুর কাছে প্রতিজ্ঞা করেছিলেন যে, তিনি রাজা হলে বন্ধুকে মন্ত্রী বানাবেন । কিন্তু রাজা হওয়ার পর এত সুখের মধ্যে তিনি তার প্রতিজ্ঞা ভুলে যান । আর এর পরই রাজার এই দুর্দশা দেখা দেয় । তাই তিনি মনে করলেন প্রতিজ্ঞা ভঙ্গের কারণেই তাঁর এই দশা ।

ঘ. তোমার মা বাড়িতে কী ধরনের পিঠা বানায় লেখ ।

উত্তর : আমার মা বাড়িতে ভাপা পিঠা, পাটিসাপটা পিঠা, দুধপুলি, ক্ষীর মুরলি, চিতই পিঠা, নকশি পিঠা ইত্যাদি পিঠা বানায় ।

ঙ. অচেনা লোকটি রাজার প্রাণ রক্ষার জন্য এগিয়ে না এলে কী হতো ?

উত্তর : অচেনা লোকটি রাজার প্রাণ রক্ষার জন্য এগিয়ে না এলে দুঃখ-যন্ত্রণায় ভুগে ভুগে রাজার মৃত্যু হতো । আর নকল রানি কাঞ্চনমালা রাজ্যকে আরও বিশৃঙ্খল করে তুলত ।

চ. তুমি কি মনে কর অচেনা লোকটির কারণেই রাজার প্রাণ রক্ষা পেল ?

উত্তর : হ্যাঁ, আমি মনে করি অচেনা লোকটির কারণেই রাজার প্রাণ রক্ষা পেয়েছে। কারণ অচেনা লোকটি না এলে রাজার শরীর থেকে লাখ লাখ সুচ খোলা সম্ভব হতো না ।

ছ, কীভাবে লোকেরা নকল রানিকে বুঝে ফেলল ?

উত্তর : রানির সাধারণত অনেক গুণসম্পন্ন হয়ে থাকেন। কিন্তু নকল রানি কাঁকনমালার কোন গুণ নেই। পিটকুড়ুলির ব্রতের দিন সে পিঠা বানায় । তা এমনই বিশ্বাস যে কেউ মুখে দিতে পারে না । সে আলপনা আঁকে এখানে এক খাবলা রং দিয়ে ওখানে এক খাবলা রং দিয়ে । এসব দেখে লোকেরা নকল রানিকে বুঝে ফেলল ।

জ. রাজা কীভাবে তাঁর প্রতিজ্ঞা পালন করলেন ?

উত্তর : রাজপুত্র প্রতিজ্ঞা করেছিলেন যে তিনি রাজা হলে রাখালকে মন্ত্রী বানাবেন । রাজপুত্র রাজা হওয়ার পর রাখালবন্ধুর কথা ভুলে যান । একদিন তিনি ঘুম থেকে উঠে দেখেন তার শরীরে অসংখ্য সুচ গেঁথে আছে । তিনি বুঝতে পারেন প্রতিজ্ঞা ভঙ্গের কারণেই তাঁর এমন হয়েছে । সেই বন্ধুর সাহায্যেই তিনি সুস্থ হলে বন্ধুর কাছে ক্ষমা চান । অবশেষে রাখালবন্ধুকে মন্ত্রী বানিয়ে তিনি তাঁর প্রতিজ্ঞা পালন করলেন ।

ঝ. কাঞ্চনমালা এবং কাঁকনমালার চরিত্রের তুলনামূলক আলোচনা কর ।

উত্তর : কাঞ্চনমালা আসল রানি আর কাঞ্চনমালা নকল রানি । কাঞ্চনমালা সহজ-সরল, দয়ালু । কিন্তু কাঁকনমালা অহংকারী, অত্যাচারী । আসল রানি কাঞ্চনমালা অনেক গুণের অধিকারী । তিনি যেসব পিঠা বানান তার স্বাদ অপূর্ব । তার দেওয়া আলপনা সবাইকে মুগ্ধ করে । কিন্তু কাঞ্চনমালার বানানো পিঠা কেউ মুখেও দিতে পারে না । আর তার দেওয়া আলপনা দেখতে হয় খুবই বিস্ত্রী । মোট কথা, কাঁকনমালার মধ্যে কোনো গুণের প্রকাশই লক্ষ করা যায় না ।

ঐ. গল্পটা তোমার কেমন লেগেছে ? বর্ণনা দাও ।

উত্তর : গল্পটা আমার খুব ভালো লেগেছে । কারণ এই গল্প থেকে অনেক কিছু শেখার আছে । এই গল্প থেকে আমি শিখেছি বন্ধুত্বের মর্যাদা রক্ষা করা উচিত এবং বন্ধুর কাছে করা প্রতিজ্ঞা ভঙ্গ করলে শাস্তি পেতে হয় । তাছাড়া আমি জেনেছি মিথ্যাবাদী, অত্যাচারীর পতন অনিবার্য ।

আবেদন পত্র :

বোনের বিয়ে উপলক্ষে ৩ দিনের ছুটি চেয়ে প্রধান শিক্ষকের নিকট একটি দরখাস্ত লেখ ।

অথবা, মনে কর, তুমি রানা/রানি। তুমি হরিণাপুর সরকারি প্রাথমিক বিদ্যালয়ের পঞ্চম শ্রেণির ছাত্র/ছাত্রী। বোনের বিয়ে

উপলক্ষে তিন দিনের ছুটি চেয়ে প্রধান শিক্ষকের নিকট একটা দরখাস্ত লেখ ।

১৪.০২.২০২০

প্রধান শিক্ষক

স্কুল অ্যাকোলেড্‌স / হরিণাপুর সরকারি প্রাথমিক বিদ্যালয় ।

ঢাকা ।

বিষয় : বড় বোনের বিয়ে উপলক্ষে ৩ (তিন) দিনের ছুটির আবেদন ।

জনাব / মহোদয় ,

সবিনয় / বিনীত নিবেদন এই যে, আগামী ১৭ ফেব্রুয়ারি আমার বড় বোনের বিয়ে । এ কারণে আগামী ১৬ ফেব্রুয়ারি থেকে ১৮ ফেব্রুয়ারি পর্যন্ত আমার ছুটি প্রয়োজন ।

অতএব, আমাকে উক্ত ৩ (তিন) দিনের ছুটি দিয়ে বাধিত করবেন ।

নিবেদক

আপনার একান্ত অনুগত ছাত্রী

ক / রানা / রানি

৫ ম শ্রেণি, রোল নং - ১ ।